



**Sámi
allaskuvla**

Oahppoplána

Akademalaš čállinseminára

OKT 305

10 oahppočuoggá



Dutkan- ja oahppostivra dohkkehan 10.05.2016, áššis 45/16. Rievdadusat dohkkehuvvon goahtejodiheaddji mearrádušnotáhta bokte 09.01.17 (Public áššenr. 17/00523), 02.05.18 (Public áššenr. 18/00215), 12.07.22 (Public áššenr. 20/00061-8, 31.01.24 (Public áššenr. 24/00084-1) ja 28.01.26 (Public áššenr. 26/00187-1).

1. Oahpu namma

Sámegillii: Akademalaš čállinseminára
Dárogillii: Akademisk skriveseminar
Eaŋgalsgillii: Seminar on academic writing

2. Oppalaš dieđut oahpu birra

Oahpu koda: OKT 305
Dássi: Master
Viidodat: 10 oahppočuoggá
Galli lohkanbaji badjel: Guovtti: vuosttaš ja goalmmát lohkanbaji
Oahpu lágideapmi: Oassi oahpahas lágideapmi fysalaš deaivvadeapmin
Guovdageainnus, ja oassi neahttaoahpahas. Fysalaš
deaivvadeapmi ii sáhte searvat neahta bokte.

3. Oahpu gullelašvuotta

Oahpu gullá Sámegea ja sámi girjjálašvuotta masterprográmma oktasaš geatnegahtton oahpuide.

4. Sisabeassangáibádusat

- Sámegea ja sámi girjjálašvuotta bachelorgráda eatnigiel dásis dahje vástideaddji oahpu.
- Gáibideapmi ahte ohccis leat 90 oahppočuoggá čiekŋudanoahput sámegeas eatnigiellan.
- Bachelorgráda gaskamearálaš árvosátni galgá leat C dahje buoret. Studeanttain geain lea cand.mag.-dutkkus, galgá leat sámegeas gaskamearálaš árvosátnin 2,7 dahje buoret.

5. Oahpahas- ja eksámengiella

Váldooahpahasgiellan lea davvisámegiella. Eksámengiellan lea davvisámegiella dahje eará sámegea.

6. Sisdoallu

Oahpu geavatlaš ulbmilin lea doarjut studeantta masterbarggu čállima. Dat čiekŋuda ja viiddida studeantta máhtuid dieđalaš ja fágalaš čállimis, ja ráhkkanahttá su masterbarggu čállimii. Oahpus leat njeallje váldosisdoalu:

- 1) dieđalaš teakstašlájat ja teakstaráhkadusat
- 2) dieđalaš ákkastallanvuogit, giellageavahus ja stiila
- 3) dieđalaš čállosa formála iešvuodát
- 4) dieđalaš publiserenvuogádagat

Studeanta čiekŋuda dáidda fáttáide sihke teorehtalaččat ja praktihkalaččat. Son oažžu máŋggabealat vásáhusaid dieđalaš čállimis: son omd. pláne teavstta ráhkadeami ja dan čállima, hábme ja buorida iežas teavstta, ja oahppá geavahit gállduid, govaid, govvosiid ja tabeallaid rivttes láhkai.

7. Oahppanjoksosat

Oahpu maŋŋá studeanta lea olahan dáid oahppanjoksosiid:

Diehtu

Studeanta

- dovdá iešguđetlágan dieđalaš teakstašlájaid ja daid iešvuodaid
- dovdá dieđalaš stiilla ja argumenterenvugiid
- dovdá dieđalaš čállima formála beliid (omd. bajilčállagiid, gálldočujuhusaid ja -gáldolistu hábmema, govaid, govvosiid ja tabeallaid geavaheami)
- dovdá Sámi allaskuvlla masterbargguid mála
- dovdá dieđalaš publiserenvuogádagaid.

Máhttu

Studeanta

- máhtta plánet dieđalaš čállinbarggu ja ráhkadit dan várás dutkanplána
- máhtta hábmet ja analyseret dieđalaš teavstta
- máhtta geavahit dieđalaš stiilla ja ákkastallanvugiid
- máhtta hábmet riehta dieđalaš teavstta formála beliid.

Oppalaš gelbbolašvuohta

Studeanta lea

- dovdá dieđalaš čállima iešvuodaid ja máhtta heivehit daid iežas čállinbargui
- dovdá dieđalaš publiserenvuogádaga, ja diehtá maid galgá dahkat go áigu almmustahttit dieđalaš čállosa.

8. Oahpahan- ja oahppanvuogit

Logaldallamat, ruovttubarggut, joavkobarggut ja seminárat. Seminárain studeanttat buktet ovdan iežaset bargguid ja kommenterejit eará studeanttaid ovdanbuktimiid.

9. Gáibádusat beassat eksámenii

Čuovvovaš gáibádusat leat eaktun beassat eksámenii:

- 1) Vuosttaš lohkanbajis studeanta čállá preliminára dutkanplána iežas masterbarggu várás (dahje eará sullalas dieđalaš barggu várás). Dutkanplána galgá doallat sisttis čilgehusa barggu fáttás ja dutkančuolmmain, guovddáš metodaidda, ja jurddašuvvon áigeplána. Plána guhkkodat galgá leat 5–6 siiddu. (Dutkanplána galgá ovdanbuktit masterbargosemináras oassin SÁM 321 Masterbarggu -oahpus, geahča SÁM 321 - oahppoplánas.)
- 2) Čálalaš 2-4 siiddu hárbjehusbarggu, mii guoská dieđalaš čállima formála iešvuodaide (omd. govvosat, govat, tabeallat, gálduid geavaheapmi, teavstta hábmen).
- 3) Čállit árvvoštallama dahje kritihkalaš referáhta muhtun guovddáš gáldus dahje gálduin, maid studeanta áigu geavahit masterbarggus (dahje eará barggus, man várás dutkanplána lea čállojuvvon). Čállosa guhkkodat galgá leat 5–6 siiddu.
- 4) Ovdanbuktit árvvoštallama dahje kritihkalaš referáhta (3. geatnegahtton barggu) sisdoalu njálmmálaččat semináras (15 minuhta ovdanbuktin + 5 minuhta kommentaidda ja ságastallama várás).
- 5) Opponeret ovtta semináraovdanbuktima.

Buot geatnegahtton barggut galget leat dohkkehuvvon ovdal eksámena.

10. Eksámen

Eksámenmáhppa mas leat golbma geatnegahtton čálalaš barggu (geahča 9. čuoggás). Studeanttas lea vejolašvuhta divvut bargguidda máhcahagaid vuodul ovdal buktá eksámenmáhpa árvvoštallamii.

Árvvoštallan: Ceavzán / ii ceavzán

11. Leago privatisttain vejolaš váldit dan oahpu?

Ii leat.

12. Kvalitehtasihkkarastin

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain leat árvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea geatnegasvuohta searvat árvoštallamiidda mat leat oassin kvalitehtasihkkarastinvuogádagas.